



**Erasmi a Chokier Tractatus iurisdictionis ordinariae in
exemptos, illorumque exemptione ab ordinaria
iurisdictione**

in duos tomos distinct.

Quo Praeter Varias Ac pervtiles Additionibus praecipuis & in foro
potissimum occurrentibus Tomi primi Quaestionibus annexas, etiam S.
Rotae Romanae Decisiones Novissimae De Eadem materia editae, &
singulari studio selectae continentur - Hac postrema editione
praecedentibus duobus Tomis primum additus

Chokier, Érasme de
Coloniae Agr., 1684

Ad. Quæst. 8. Additio.

[urn:nbn:de:hbz:466:1-61921](https://nbn-resolving.org/urn:nbn:de:hbz:466:1-61921)

sent sine auctoritate Apostolica, & non apti ad acquirendam exemptionem, attrahendi ubi precedit approbatio sancti. mem. Pauli V. circa habitum, & modum vivendi cum subjectione Patris Generalis Servitarum, exinde intrant constitutiones Urbani, & Innocentii super exemptione mulierum, fororum, quocunque nomine nuncupentur, & illi a casu subjectionis per Papam certæ Religionis indulgentiam eximunt, quibus præceptis §. quia præcipitur 14. q. 1.

Et ita fuit resolutum utraque.

Ad. Quæst. 8. Additio.

Jurisdictionis ordinarii per totam diocæsim juris præsumptione extenditur: hæc regula ampliat, ut non tantum Episcopus fundat intentionem suam in quavis parte diocæsis jam ab antiquo constituta, sed etiam in quavis parte diocæsis de novo erectæ, quamvis aliqua illarum partium antea sub nullo Episcopo fuisset. Ita enim in facto, cum ecclesia Burgi S. Sepulchri fuisset erecta in Cathedralem per Leonem X. & inter alia pro diocæsi illius fuisset assignatum castrum de Balneo una cum suis Ecclesiis, exinde cepit Episcopus fundare intentionem suam etiam quoad Abbatiam S. Mariæ de Balneo, quæ antea nullius diocæsis fuerat. Refert Fagnan. in cap. cum dilectus numer. 20. de relig. dom. Item postea quam Sixtus V. Ecclesiam Lauritanam erexit in Episcopalem, quærebatur, num sancta Capella in d. Ecclesia existens, eo ipso jurisdictioni Episcopi censeretur subiecta, non obstante quod ipsa specialem protectorem haberet, cujus cura in omnibus supponeretur? & responsum fuit censi Episcopo suppositam, quoad jurisdictionem spiritualement, remanente potestate protectoris quoad administrationem, & quædam alia jura particularia, ut in decis. 686. & 697. part. 4. recensent. tom. 3.

Et similiter si populus & clerus unius diocæsis propriâ auctoritate se transferat ad locum alterius diocæsis, subicitur Episcopo illius diocæsis ad quam transferatur, uti plene decisum extat in Rot. decis. 153. num. 8. & seqq. par. 11. recensent. qua de re infra part. 3. quæst. 21.

Declaratur regula, quia Episcopus ante omnia debet docere loca illa, in quibus intentionem suam fundare prætendit, esse intra fines suæ diocæsis, quia asserentia juris communis non intrat nisi probatâ existentia intra limites. Ut dixit Rota coram Seraphino decis. 1278. & idem practica est, quam refert Fagnanus in cap. cum dilectus numer. 16. de relig. domib. ut Episcopi in Rota prius probent existentiam intra fines, eaque probatâ adeant Sac. Congregationem Concilii, & obtineant declar.

declarationem super visitatione, cognitione causarum criminalium & matrimonialium, licentiâ prædicandi, approbatione ad Confessiones, &c. donec inferior statum nullius diœcesis, vel utramque jurisdictionem in clerum & populum probaverit per rem judicatam, qui stylus abundè probatur ex *decis. 301. par. 2. & decis. 310. par. 4. tom. 2. ac decis. 552. ad. par. 4. tom. 3. recent.*

Quæ tamen intelligenda in casu, quo inferior allegaret exemptionem totalem & statum nullius diœcesis, concurrente ejus quasi possessione; nam si allegaret dimittat exemptionem simplicem, utique eo ipso fatetur loca esse in diœcesi Episcopi, qui proinde non teneretur quidquam probare, uti dictum fuit in *decis. 491. numer. 1. par. 1. recent. & decis. 330. numer. 5. par. 15. recent.*

Item intellige prædicta, quando Episcopus in solâ assentiâ juris se fundat, tenetur enim tunc probare existentiam locorum intra fines, secus si simul concurrerent pro ipso actus possessorii, tunc enim datur ei manutentio etiam non probata existentia. *Addent. ad Gregor. decis. 32. numer. 4. Rot. decis. 127. numer. 5. par. 8.*

DECISIO XXXVI.

Declaratur, an in erectione Ecclesiæ Lauretanæ in Cathedralem, sit comprehensa sancta Capella, stante observantiâ hinc inde prætensâ.

EMINENTISS. D. CARD. SACRATO.

Lauretana Jurisdictionis.

Veneris 23. Januarii 1677.

S U M M A R I U M.

1. Probationes plures imperfectæ junguntur ad faciendam plenam probationem.
2. Contentum an sit diversum à continente.
3. De Ecclesia dispositum habet locum in omnibus Capellis.

4. Capus